

Kev Xaaj #2

Npaj Kev Nyab Xeeb txog COVID-19 rau Lub Nroog Milwaukee

Raws li txoj cai Wis. Stat. § 252.03(1) thiab (2) nrog rau Chapters 17 thiab 62 hauv Milwaukee City Charter thiab Code of Ordinances, , tus Commissioner of Health tso cai rau lub Nroog Milwaukee xaaj kom ua raws li cov lus teev nram qab no mus kom txog thaum muaj kev ceeb toom tshiab:

1. **Cov ntsiab lus.** Cov ntsiab lus nram qab yuav siv rau qhov Kev Xaaj no.
 - a. **Chaw Zov Me Nyuam.** "Chaw Zov Me Nyuam" txhais tau tias tas nrho cov chaw zov me nyuam uas muaj ntawv tso cai saib cov me nyuam tsis hais muaj hnub nyoog li cas los yog mus txog 18 xyoo.
 - b. **Nom Tswv Tej Hauj Lwm Tseem Ceeb.** "Nom Tswv Tej Hauj Lwm Tseem Ceeb" txhais tau hais tias txhua yam kev pab cuam uas lub Xeev, cov Khab, los yog nom tswv hauv zos kom ua tau hauj lwm pab rau cov pej xeeb kom muaj kev noj qab haus huv, nyab xeeb, thiab muaj kev haum xeeb rau sawv daws. Nom tswv ib lub chaw ua hauj lwm twg nyisj yuav tau txiam txim nyias cov hauj lwm tseem ceeb, yog tias muaj, thiab txheeb seb cov neeg ua hauj lwm thiab cov yuav tau ntiav sab nraud tuaj pab kom ua tau cov hauj lwm.
 - c. **Pub Sib Txoo Coob Npaum Li Cas.** "Pub sib Txoo Coob Npaum Li Cas" txhais tau hais tias kev sib sau ua ke yuav tsum pub muaj pes tsawg leej ua ke nyob rau ib qho chaw twg xwb, raws li kev pom zoo los ntawm U.S. Centers for Disease Control thiab Prevention kev tiv thaiv rau cov koom haum uas ua hauj lwm pab rau cov pej xeeb ua muaj kev txhawj xeeb loj tshaj. Raws li Kev Xaaj nov, kev sib sau ua ke tsuas pub txij 10 leej xwb.
 - d. **Nyob Sib Nrug.** Raws li lub hom phiaj ntawm qhov kev Xaaj no, thiab tej zaum muaj nyob rau hauv American Disabilities Act (ADA) txoj cai, "Nyob Sib Nrug" txhais tau tias ib tug yuav tsum nyob nrug ib tug li ntawm rau (6) feet yog tias cov neeg ntawd tsis yog cov yeej nyob ua ke hauv ib chav los yog lub tsev.
 - e. **Muaj Tus Txheej Txheem Qhia Kom Neeg Paub Ua Hauj Lwm.** Yog vim muaj Kev Xaan thiab tej zaum muaj nyob rau hauv ADA txoj cai, "Muaj Tus Txheej Txheem Qhia Kom Paub Ua Hauj Lwm" txhais tau hais tias:
 - i. Nquag ntxuav tes nrog xab npum thiab dej mus li 20 feeb los yog muab tshuaj ntxuav tes tua kab mob;
 - ii. Npog qhov ncauj qhov ntwg thaum hnoos los yog txham (siv npab tshos los yog luj tshib, txhob muaj tes npog);
 - iii. Nquag tu tej chaw uas kov heev;
 - iv. Tsis txhob sib tuav tes;
 - v. Muab ntaub npog qhov ncauj qhov ntswg. Ceeb toom: yeej xav kom siv ntaub npog qhov ncauj qhov ntswg tiam sis kuj muaj kev txhawj xeeb tias yuav ua tau

teeb meem rau tej tus vim nws txoj kev xiam hoob qhab thiab los yog tsis muaj tej khoom siv PPE txaus;

- vi. Yuav ua raws nraim li txhua lub chaw saib xyuas txog kev noj qab haus huv cov lus hais xws li State of Wisconsin Department of Health Services, Milwaukee County Department of Health & Human Services thiab U.S. Centers for Disease Control and Prevention; thiab
- vii. Yuav tau muaj cov cai uas tiv thaiv tsis pub cov neeg uas muaj tsos mob ua pa nyuaj los yog nws tau mus nyob nrog ib tug neeg uas paub tias tau tus kab mob COVID-19 lawm tuaj rau hauv chaw ua hauj lwm.

f. **Tus Txheej Txheej Qhia Kom Neeg Paub Ua Hauj Lwm.**, Lub hom phiaj ntawm qhov Kev Xaaj no thiab tej zaum muaj nyob rau hauv ADA tej cai, “Tus Txheej Txheem Qhia Kom Neeg Paub Ua Hauj Lwm” txhais tau hais tias:

- i. Cov khw npaj seb puas tau rau neeg tuaj nqa khoom ntawm ntug kev kom txo tau kev neej tuaj kav kav khw coob coob thiab txo tau kev neeg ua kab tos them khoom;
- ii. Tsuas pub ib lub khw twg siv txij li 25% ntawm qhov chaw uas ntim tau neeg los uas nom tswv tso cai los yog 1 tug neeg rau 30 square feet rau ib tug neeg sawv xwb kom thiaj Nyob Sib Nrug;
- iii. Lo ntawv ceeb toom tias qhov chaw tsuas ntim tau neeg coob npaum li cas xwb yog teev nyob hauv Section 1(f)(ii) rau txhua lub qhov rooj neeg nkag;
- iv. Teev kom muaj kab qhia rau neeg ncag nraum zoov los rau hauv khw kom lawv thiaj paub hais tias yuav tau sawv 6 feet deb ntawm lwm tus thaum tos nkag los rau hauv khw. Cov khw los kuj yuav tau teev kom muaj lwm txoj kab ntxiv thiab, xws li cia kom cov neeg tuaj kav khw nyob twj ywm hauv tsheb tos mam sau text los yog hu xov tooj teem sij hawm tuaj nqa khoom los yog thaum txog nws sij hawm nkag los rau hauv khw tau;
- v. Hais kom neeg mus ib sab nyob hauv khw xwb es tsis txhob muaj rov qab los;
- vi. Yuav tsum nquag tu thiab muab tshuaj tua kab mob thiaj txo tau kom cov neeg ua hauj lwm thiab cov neeg tuaj kav khw thiaj tsis txhob kis tau tus kab mob COVID-19 thiab npaj tus txheej txheej tias yuav tu li cas yog thaum muaj neeg tau tus kab mob COVID-19 hauv chaw ua hauj lwm. Txhua txoj kev taug thiab siv yuav raws nraim li Tsoom Fwv thiab Lub Xeev tiam sis yuav tsis tas rau cov txheej txheem U.S. Centers for Disease Control and Prevention muab tuaj; thiab
- vii. Yuav Tsum Nyob Sib Nrug thiab muaj Kev Tiv Thaiv.

2. **Rov Qab Qhib Cov Lag Luam thiab Khiav Hauj Lwm.** Cov hauj lwm thiab lag luam nram qab no pub khiav mus ntxiv tiam sis ua raws li cov lus teev ntawm no:

- a. **Nom Tswv Tej Hauj Lwm Tseem Ceeb.** Cov hauj lwm tseem ceeb uas yuav ua tau mus ntxiv li cas yog txiav txim los ntawm tej nom tswv hauv zos.
 - i. Txhua tus neeg ua hauj lwm yuav tsum ua raws tus txheej txheem Nyob Sib Nrug thiab muaj Kev Tiv Thaiv.
 - ii. Tej pab neeg ua hauj lwm rau nom tswv yuav tsum taug Wisconsin Department of Justice txoj cai Office of Open Government cov txheej txheem hais txog muaj rooj sib tham yuav tsum sab laj ncaj qha nrog rau lub chaw ua hauj lwm hais

txog qhib pub rau pej xeeb paub.¹ Tej pab neeg ua hauj lwm rau nom tswv uas muaj lus nug txog kev qhib rooj sib tham rau pej xeeb paub txog yuav tau nug mus rau Wisconsin Department of Justice's Office of Open Government.

- b. **Key Kho Mob & Key Ua Hauj Lwm Public Health Operations.** Txhua lub chaw ua hauj lwm txog kev noj qab haus huv thiab xyuas txog pej xeeb kev noj qab huas huv yuav ua tau hauj lwm tiam sis yuav tau ua raws nraim li cov txheej txheem Tsoom Fwv thiab Lub Xeev teev thiab kuj tsis tas rau cov lus qhia los ntawm U.S. Centers for Disease Control and Prevention. Key Kho Mob thiab Key Ua hauj Lwm Public Health Operations yuav tau xyuas kom dav thiab kom tsis txhob muaj tej yam dab tsis los txiav thiab thaiv txoj kev kho mob. Cov chaw no yuav tsum muaj cai txiav txim txog tus cai pub neeg tuaj xyuas neeg mob thiab yuav ua raws nraim kev Tiv Thaiv.
- c. **Ua Hauj Lwm Pab Neeg (Human Service Operations).** Txhua cov Hauj Lwm Pab Neeg yuav ua tau mus li tom ntej no. Txhua cov hauj lwm Hauj Lwm Pab Neeg yuav tau ua raws nraim li kev Nyob Sib Nruj li ua tau, Section 6 hauv txoj cai Xaaj rau thaum ua tau, thiab Key Tiv Thaiv. Hauj Lwm Pab Neeg muaj xws li, tiam sis yuav tsis tas rau: kev tu neeg mus ib lub sij ahwm ntev thiab cov chaw nyob muab kev pab, tsuav kom ua raws nraim li cov lus qhia kom siv tuaj ntawm DHS Recommendations for Prevention of COVID-19 rau hauv cov chaw Long-Term Facilities thiab Assisted Living Facilities thiab txhua yam hais qhia raws li U.S. Centers for Disease Control Recommendations; cov chaw nyob rau cov neeg laus, cov laus, me nyuam yaus, cov raug tsim txom, cov quav yeeb quav tshuaj, cov muaj kev mob puas hlwb; cov chaw muaj kev pab mus ib lub sij hawm luv luv; cov chaw nyob muab kev pab cov neeg xiam hoob qhab lub cev ua tsis tau hauj lwm zoo los yog rab peev xwm tsis qoos txaus, los yog muaj lwm yam kev xiam hoob qhab, cov laus, neeg laus, los youg me nyuam yaus; cov chaw zov cov neeg laus, cov chaw muab kev pab rau cov neeg laus yav nruab hnub, thiab muab kev pab tu rau thaum nyob tom vaj tom tsev; cov chaw ua hauj lwm uas muab kev pab thiab pab soj ntsuam seb yuav tau muab tej yam kev pab cuam li cas, xws li khoom, nyiaj ntsuab, ntawv kho mob, kev xyaum ua hauj lwm, los yog kev pab kho kom rov ua tau hauj lwm; cov chaw pab kho kom lub tswv yim thiab rab peev xwm nthuav; cov koom haum pab nrhiav neeg coj me nyuam mus tu li nws tus; cov lag luam uas pub khoom noj, muab chaw rau nyob, muab kev pab cuam, los yog lwm yam yuav pab tau cov tib neeg txom nyem uas tsis tshua taus kev pab cuam, cov tib neeg uas muaj kev xiam hoob qhab rau lub cev, rab peev xwm, los yog lub tswv yim, los yog lwm yam nws ua tsis tau rau nws thiaj yuav tau txais kev pab. Cov kev pab cuam ntawm kev ua Hauj Lwm Pab Neeg yuav tsum xyuas kom dav thiab zoo kom tsis txhob pub muaj kev sib kis tau kab mob thaum muab tej kev pab cuam pab rau neeg.
- d. **Cov kev/Vaj Tsev/Thauj Khoo/Xa Khoom Tseem Ceeb (Essential Infrastructure).** Txhua cov Essential Infrastructure yuav tau ua hauj lwm raws nraim li teev nram no. Txhua cov Essential Infrastructure yuav tsum ua raws li txoj cai Nyob Sib Nruj kom ntau li ntau tau thiab kom muaj Key Tiv Thaiv. Cov Essential Infrastructure muaj xws li, tiam sis kuj tsis tas rau cov nov xwb: kev ua khoom noj, kev xa tawm, cov chaw ntim khoom, cov chaw rau khoom, cov chaw txawb nkoj, thiab muag khoom; cov chaw ua vaj ua tsev los youg ua choj ua kev (ntxiv rau, tiam sis kuj tsis tas li no xwb, cov chaw ua cov hauj

lwm ua tsev, ua choj, ua kev yuav tsum xyuas kom muaj kev noj qab haus huv rau pej xeem sawv daws thaum muaj xwm txheej ceev, kev kho los yog ua tsev kho mob, ua los yog kho cov tsev tu neeg mu sib lub sij hawm ntev, ua los yog kho tej yam rau pej xeem sawv daws, ua los yog kho tsev kawm ntawv, kho los yog ua tej chaw ua hauj lwm tseem ceeb Essential Business and Operations, ua los yog kho Tsoom Fwv tej chaw ua hauj lwm Essential Governmental Functions, thiab kho los yog ua tsev nyob; saib xyuas, tu thiab kho tsev; kev ua hauj lwm hauv tshav dav hlau; tej chaw ua hauj lwm txog tej yam siv xws li dej, tej kav dej, gas, thiab hluav taws xob (nrog rau cov chaw ua kom muaj power generation, kev xa tawm, kev tsim, thiab Wisconsin Department of Natural Resources-yuav tsum muaj pov thawj thiab yuav tsum zwm cov dej haus thiab cov chaw ntsuas tej dej phem); Wisconsin Home Energy Assistance, Low Income Home Energy Assistance Program, thiab cov chaw ua hauj lwm muab kev pab txog Public Benefits Energy Assistance Program, cov chaw ua hauj lwm rau cov neeg siv khoom, thiab cov chaw txais neeg rau cov kev pab cuam; cov chaw xa khoom tawm; cov chaw nqus roj thiab lim roj; kev me, kev loj, kev tsheb ciav hlau, thiab tej tsheb thauj pej xeem; cov chaw tos nkoj; cov chaw ua hauj lwm txog cybersecurity; cov chaw tswj kom tsis txhob muaj dej nyab; cov chaw pov khib nyiab thiab khaws rov muab ua dua tshiab thiab muab pov tseg; thiab internet, video, thiab kev sib txuas lus hauv xov tooj (xws li tej yam tseem ceeb thoog ntiaj teb, teb chaws, thiab ib ncig hauv zos txog hauj lwm siv computer, kev ua lag luam, kev sib txuas lus, thiab tej hauj lwm saum huab cua). Cov hauj lwm Essential Infrastructure yuav tsum xyuas kom dav thiab kom zoo tiv thaiv kom tsis txhob muaj teeb meem rau cov hauj lwm tseem ceeb li tau txhais.

- e. **Khw muag khoom noj thiab tsuaj.** Cov khw muag khoom noj, mov ci, cov chaw muag tshuaj, cov chaw yug tsiaj tua noj thiab cog zaub thiab cov chaw muag zaub, cov khw muag khoom nog thiab khoom siv, cov chaw khaws khoom noj pub neeg, cov khw me muag khoom noj, thiab lwm cov chaw uas muag khoom xws li zaub, kaus poom, khom noj qhuav, khoom noj khov nab kuab, txiv hmab txiv ntoo thiab zaub, dej cawv thiab dej haus, thiab lwm yam khoom siv hauv vaj hauv tsev (xws li khoom tu tsev thiab khoom siv rau tib neeg). Tej chaw no yuav tau:
- i. Kaw tsis pub muaj rooj rau neeg tuaj zaum yuav khoom noj;
 - ii. Kaw tsis pub muaj khoom rau nyias los dau nyias xws li salad bars, tso dej haus, thiab buffets;
 - iii. Txwv tsis pub cov neeg tuaj yuav khoom yam li kov txog tej khoom noj uas tsis tau muab ntim; thiab
 - iv. Ua raws nraim li tus txheej txheem qhia neeg ua hauj lwm (Safe Business Practices).

Ntu no tsis tau txhais hais tias muaj kev zam rau cov lag luam muag khoom noj los yog dej haus uas tsis yog nws thawj yam lag luam, xws li hais rau cov lag luam nyob hauv Section 4 ntawm Kev Xaaj, uas muag tej yam khoom noj thiab khoom haus.

- f. **Tej chaw ua khoom noj khoom haus, thauj, thiab cog/tu.** Cov chaw ua khoom noj khoom haus, thauj, thiab sau; ua liaj ua teb, tu tsiaj txhu, nuv ntses, ci qhaub noom, thiab lwm yam qoob loos, nrog rau kev sau, kev tshaj tawm, thiab muab tsiaj txhu thiab khoom noj xa tawm mus muag; cov lag luam ua khoom noj, cov tsev rau neeg nyob, thiab lwm

yam tseem ceeb rau tsiaj txhu, xws li tsev rau tsiaj, chaw rau tsiaj nyob, cov chaw ntes tsiaj los tu, chaw tu tsiaj nyeg, thiab cov chaw rau tsiaj nyob rau neeg tuaj yuav mus; tej twj siv rau kev ua teb thiab yug tsiaj noj, tej twj siv, thiab kev kho cov tsheb thiab twj siv yuav tau ua raws nraim li Kev Nyob Sib Nrug kom ntau li ntau tau thiab Yuav Tsum Muaj Kev Tiv Thaiv.

- g. **Chaw Muag Khoom (Retail Establishments).** Cov chaw muag khoom, xws li cov khw loj ua tsev vov, qhib tau. Tej chaw zoo li nod yuav tsum ua raws nraim li Lag Luam Muaj Kev Nyab Xeeb (Business Practices).
- h. **Cov Chaw Ua Zaub Mov Noj Muag.** Cov chaw ua mov muag no qib ua hauj lwm tau yog hais tias nws ua raws nraim li nram qab no:
- i. Cov chaw ua mov noj muag qhib rau neeg tuaj yuav nqa mus los yog xa tawm xwb;
 - ii. Muag dej caw yuav tsum ua raws nraim li txoj cai Section 2(i) hauv qab;
 - iii. Cov neeg tuaj yuav khoom noj ntawm tej chaw zoo li no yuav tsum yog tuaj yuav, tuaj nqa, thiab tuaj them nyiaj rau tej khoom noj los yog dej cawv los yog rau ob yam no xwb;
 - iv. Tsis pub muaj chaw zaum li;
 - v. Yuav tsum tsis pub noj thiab haus tej khoom no ntawm qhov chaw li, tsis hais hauv tsev los nraum zoov li;
 - vi. Cov chaw nod yuav tsum ua raws nraim li txoj cai kom Nyob Sib Nrug thiab Muaj Kev Tiv Thaiv rau txhua tus tib neeg ntawm nws qhov chaw li ua tau;
 - vii. Cov chaw ua mov noj muag no yuav tsum tso tseg tsis ua cov rooj txawb tej khoom noj rau neeg los daus thiab los tso dej haus; thiab
 - viii. Yuav tsum txwv tsis pub cov neeg tuaj yuav khoom los muab tej khoom uas tsis ntim uas nyias mam muab nyias.
- i. **Chaw Haus Dej Hauv Cawv (Bars).** Qhov nod ces xws li cov chaw cub cawv, cov chaw cub cawv thiab haus cawv, cov chaw ua cawv qab zib, cov chaw cub cawv dawb, thiab tej chaw muag cawv. Tej chaw zoo li no qhib tau yog hais tias lawv ua tau raws nraim li hauv qab no:
- i. Muag cawv thiab khoom noj nqa tawm yog hais tias txoj cai hauv lub xeeb thiab lub nroog tso cai rau;
 - ii. Txwv tsis pub xa cawv tawm mus rau tus neeg yuav haus;
 - iii. Cov chaw ua cawv qab zib uas muaj ntawv tso cai xa cawv qab zib tawm raws li teev hauv daim ntawv tso cai;
 - iv. Cov chaw cub thiab ua cawv yij meem ua hauj lwm tsuav kom Nyob Sib Nrug li ua tau thiab muaj Kev Tiv Thaiv;
 - v. Cov neeg tuaj yuav khoom hauv tej chaw nod tau yog hais tias tsuas tuaj yuav es nqa tawm, thiab tuaj them nyiaj rau cov khoom noj thiab dej haus xwb;
 - vi. Tsis pub muaj chaw rau zaum;
 - vii. Yuav tsum tsis pub noj thiab haus tej khoom no ntawm qhov chaw li, tsis hais hauv tsev los nraum zoov li; thiab

- viii. Cov chaw nov yuav tsum ua raws nraim li txoj cai kom Nyob Sib Nrug thiab Kev Tiv Thaiv rau txhua tus tib neeg ntawm nws qhov chaw li ua tau dhau li ntawm tau teev nyob rau Subsection (iv) saud.
- j. **Chaw Txiaiv Plob Hau thiab Ua Rau Tes Rau Taw (Salons and Spas):** Cov chaw txiaiv plob hau, ua rau tes rau taw, mus zuaj ib ce, cov chaw rho plaub (xws li electrolysis providers, waxing salons), cov chaw rho/tu/kos plaub muag, cov chaw kos duab rau lub cev, thiab cov chaw ziab kom tawv nqaij dub qhib tau youg siv Nyob Sib Nrug li ua tau, Muaj Kev Tiv Thaiv, thiab yuav tsum au raws nraim li nram qab no:
 - i. Txhua lub rooj ua hauj lwm yuav tsum sib nrug li rau (6) feet;
 - ii. Tsuas pub muaj ib tug neeg tuaj rau ib tug neeg ua cov hauj lwm no zuj zus xwb. Yuav tsum tsis pub muaj ob peb tug neeg tuaj nyob ua ib pawg sib tos ua ntej los tom qab nws lub sij hawm teev;
 - iii. Muaj kev hwm rau txoj cai Muaj Kev Tiv Thaiv, cov neeg ua hauj lwm yuav tau looj ntaub npog qhov ncauj qhov ntswg lub sij hawm nyob hauv lub chaw ua lag luam no. Cov neeg tuaj siv cov hauj lwm no los kuj yuav tau looj ntaub npog qhov ncauj qhov ntswg raws li ua tau thaum tuaj rau hauv cov lag luam no thiab;
 - iv. Cov neeg ua hauj lwm thiab cov neeg tuaj siv cov hauj lwm no nyias yuav tsum ntsuas nyias tug kheej seb puas muaj mob li cas uas ntej lub sij hawm teem ntawd. Cov tsos mob muaj xws li ua npaws, hnoos, txog siav, mob qa, dias tob hau, ua daus no, mob ib ce, ncauj tsuag lawm los yog qhov ntswg tsis hnov ntxhiab lawm.
 - v. Yuav tsum muab tshuaj tua kab mob los ntxuav cov rooj zaum thiab rooj ua hauj lwm tom qab txhua tus neeg tuaj siv raws li U.S. Centers for Disease Control and Preventionⁱⁱ hais; thiab
 - vi. Txhua tus neeg yuav tsum hu xov tooj los yog siv online tuaj teem sij hawm xwb. Tsis pub neeg cia li nkag hno tuaj xwb.
 - k. **Ntxuav Tsheb.** Cov chaw ntxhuav tsheb xws li nyias them nyiaj ces tsav tsheb dhau mus ces qhib tau tiam sis yuav tsum ua raws nraim li kev Nyob Sib Nrug thiab Muaj Kev Tiv Thaiv.
 - l. **Tej Hauj Lwm Ua Kom Zoo Nkauj thiab Sab Nraum (Aesthetic or optional exterior work).** Cov hauj lwm ua sab nraud zoo xws li kos duab los youg ua kom zoo nkauj sab nraud tog vaj tog tsev thiab tu vaj tej ces qhib tau ua hauj lwm. Txhua tus neeg ua hauj lwm yuav tsum ua raws nraim li kev Kev Tiv Thaiv thiab Nyob Sib Nrug li ua tau.
 - m. **Kev Ua Si (Recreation Activities).** Tej yam kev ua si lom zem ua Nyob Sib Nrug thiab yuav Muaj Kev Tiv Thaiv tau ces tso cai rau mus ua yog hais tias ua raws nraim li tej kev txwv li hauv qab no:
 - i. Tsis pub ua tej yam yuav tsum muaj ib pab neeg thiaj ua tau thiab yuav tau sib chwv los kov;
 - ii. Txhua yam kev ua si lom zem ua yuav tau them nyiaj yuav tsum cooj ua ntej thiab them online los yog hu xov tooj mus them xwb. Tsis pub them nyiaj ntsuab;

- iii. Txhua yam khoom xauj yuav tsum muab tshuaj tua kab mob ntxuav los yog so tom qab siv txhua zaus; thiab
 - iv. Txhua tus neeg yuav tsum Nyob Sib Nrug thiab Muaj Kev Tiv Thaiv.
- n. **Cov Chaw Ua Si Muaj Twj Rau Me Nyuam Yaus.** Cov chaw ua si nraum zoo rau me nyuam yaus qhib tau rau siv thiab txhua tus neeg yuav tsum Nyob Sib Nrug thiab Muaj Kev Tiv Thaiv li ua tau.
- o. **Cov beach Pej Xeem Siv.** Cov beach pej xeem siv qhib tau rau mus ua luam dej, taug kev, khiav, los caij tsheb kauj vab. Txhua tus neeg thiab tus tsiaj yuav tsum Nyob Sib Nrug thiab Muaj Kev Tiv Thaiv. Txwv tsis pub muaj tej pab neeg tuaj thiab ua cov sport uas yuav sib chw los sib kov.
- p. **Cov chaw ua hauj lwm ua khoom, xa khoom tawm, thiab ua tej chaw npaj xa cov khoom tseem ceeb tawm.** Cov chaw ua hauj lwm ua khoom, xa khoom tawm, thiab muag tej khoom tseem ceeb siv xws li chaw ua tshuaj, technology, biotechnology, kho mob, kua tshuaj thiab tshuaj tua kab mob, thauj khib nyiab pov tseg, ua teb, khoom noj thiab dej haus, tsheb thauj neeg, hluav taws xob, hlau thiab tej khoom hlau, roj, khawb tooj/hlau/kub, ua vaj ua tsev/kho kev, tiv thaiv teb chaws, kev txuas lus, thiab tej yam khoom tseem ceeb Tsoom Fwv siv mas yuav tau cai qhib ua hauj lwm thiab yuav tsum Nyob Sib Nrug li ua tau thiab yuav tsum Muaj Kev Tiv Thaiv.
- q. **Cov Koom Haum uas Muab Kev Pab Cuam Pub Rau Neeg.** Cov lag luam thiab cov kev ntseeg thiab cov koom haum muab kev pab cuam, nrog rau cov kev pab txhawb kev kawm ua hauj lwm, cov chaw thov khoom noj los muab faib tawm rau neeg qhib tau thiab yuav tsum ua raws li tus Txheej Txheem Qhia Neeg Ua Hauj Lwm (Safe Business Practices) hais.
- r. **Xov Xwm (Media).** Ntawv xov xwm, television, xov tooj cua, thiab lwm yam xov tshaj qhib ua tau hauj lwm. Tej chaw ua hauj lwm no yuav tsum ua raws li Txheej Txheem Qhia Neeg Ua Hauj Lwm hais.
- s. **Cov chaw muag roj tsheb thiab cov Lag Luam rau Tsheb Thauj Neeg.** Cov chaw muag roj tsheb; cov khoom siv rau tsheb thiab mau tos, kho thiab muag; khoom rau nkoj, kho, thiab muag; thiab khoom rau tsheb kauj vab, kho thiab muag qhib ua tau hauj lwm. Tej chaw no yuav tsum ua raws li Txheej Txheem Qhia Neeg Ua Hauj Lwm hais.
- t. **Txhab Cia Nyiaj thiab Ua Hauj Lwm.** Cov chaw ceev nyiaj xws li banks, credit unions, thiab lwm cov chaw tso nyiaj los yog txais nyiaj; cov chaw muaj license ua hauj lwm txog nyiaj txhiag; cov hauj lwm insurance; cov hauj lwm xyuas txog neeg ua hauj lwm thiab kev them nyiaj ua hauj lwm uas tseem ceeb xws li broker dealers thiab cov neeg muab tswv yim txog kev tso nyiaj txiag qhib ua hauj lwm tau. Tej chaw no yuav tsum ua raws li Txheej Txheem Qhia Neeg Ua Hauj Lwm hais.
- u. **Cov Khw Muag Khoom Kho Vaj Kho Tsev.** Cov khw muag khoom kho vaj kho tsev thiab tej lag luam muag khoom kho hluas taws xob, qhov/kav dej, cua sov, thiab khoom

ua tsev qhib ua hauj lwm tau. Tej chaw no yuav tsum ua raws li Txheej Txheem Qhia Neeg Ua Hauj Lwm hais.

- v. **Cov Chaw Muag Khoom/Ua Hauj Lwm Uas Tsis Muaj Nyob Lwm Qhov Li (Critical Trades).** Cov neeg poj niam thiab tviv neej ua vaj ua tsev/ua kev (Building and Construction Tradesmen and Tradeswomen), thiab lwm yam hauj lwm xws li kho qhov/kav dej, hluav taw xob, siv ntoo txua rooj tog, cov neeg ua hauj lwm nrog tej daim hlau, cov neeg ua hauj lwm nrog iron, cov neeg muab pob zeb ua tsev (masonry), ua kav (pipe trades), txua hlau (fabricators), cov neeg nuv ntses, cov neeg tua kab, cov tua kab noj zaub, cov neeg tu tej chaw ua hauj lwm thiab tsoom fwv tej tsev ua hauj lwm, cov neeg saib xyuas txog kev ruaj ntseg, cov operating engineers, HVAC (kho cua sov, cua nqus tawm, cua txias), thas xim tswv, ntsaig tsev thiab kev pab tsiv tsev, neeg ua hauj lwm saib hav zoo thiab neeg kawm txog paj ntoos thiab lwm yam hauj lwm tswj txog kev nyab xeeb, kom huv, thiab vaj tsev thiab lag luam thiab tsoom fwv kev ua hauj lwm. Txhua tus neeg ua cov hauj lwm no yuav tsum Muaj Kev Tiv Thaiv thiab Nyob Sib Nrug li ua tau.
- w. **Xa Ntawv, Xa Khoom, Kev Npaj, Xa Tawm, thiab Tuaj Nqa.** Cov post offices thiab lwm cov lag luam uas xa ntawv thiab xa khoom, thiab cov lag luam uas xa khoom los yog zaub, khoom noj, dej haus, khoom siv los yog kev ua hauj lwm rau cov neeg yuav khoom los yog rau tej kev lag luam. Tej chaw no yuav tsum ua raws li Txheej Txheem Qhia Neeg Ua Hauj Lwm hais.
- x. **Cov Chaw Ntxhua Ris Tsho/Ntaub.** Cov chaw ntxhua ris tsho, dry cleaners, cov chaw ua hauj lwm ntxhua ntaub, ris tsho qhib tau ua hau lwm. Tej chaw no yuav tsum ua raws li Txheej Txheem Qhia Neeg Ua Hauj Lwm hais.
- y. **Tej Khoom ua tau hauv tsev.** Cov lag luam uas muag, ua, los yog muaj khoom rau neeg ua hauv lawv tsev. Txhua tus neeg ua cov hauj lwm no yuav tsum ua raws nraim li Kev Tiv Thaiv thiab yuav tsum Nyob Sib Nrug li ua tau.
- z. **Thauj neeg/khoom mus los (Transportation).** Cov dav hlau, taxis, cov tsheb thauj neeg (xws li Uber thiab Lyft), cov tsheb xauj tsav, tsheb thauj cov neeg xiam hoob qhab (paratransit), thiab lwm yam lag laum muaj tsheb thauj neeg, tsheb thauj pej xeem, thiab txheb loj thauj khoom thiab cov kev npaj kev thauj neeg thauj khoom. Txhua tus neeg ua cov hauj lwm no yuav tsum ua raws nraim li Kev Tiv Thaiv.
- aa. **Kev Ua Hauj Lwm Hauv Tsev thiab Muab Kev Pab Cuam (Home-based Care and Services).** Kev tu cov neeg laus, cov laus, me nyuam yaus, los yog cov neeg xiam hoob qhab, cov neeg quav dej caw/yeeb tshuaj, los yog kev mob tswv yim tsis zoo uas nyob hauv tsev nrog rau kev xa zaub mov noj qhib ua tau hauj lwm. Txhua tus neeg ua cov hauj lwm no yuav tsum ua raws nraim li kev Kev Tiv Thaiv thiab yuav tsum Nyob Sib Nrug li ua tau.
- bb. **Hauj Lwm Professional Services.** Hauj lwm Professional services, xws li kev cai lij choj los yog kev xam nyiaj txiag, insurance, muag tsev (nrog rau kev ntsuas tus nqi tsev,

kuaj tsev, thiab ua ntaub ntawv title). Tej hauj lwm no yuav tsum, yog ua tau, siv technology pab kom tsis txhob tau sib ntsib tim ntej tim muag, xws li sib ntsib hauv huab cua, xov tooj, thiab nyias nyob nyias tsev. Tej chaw no yuav tsum ua raws li Txheej Txheem Qhia Neeg Ua Hauj Lwm hais.

cc. **Cov Neeg Ua Hauj Lwm Tseem Ceeb rau Labor Union.** Cov hauj lwm no muaj xws li lis cov ntaub ntawv txog cov nyiaj txiag rau kev noj qab haus huv thiab cov neeg ua hauj lwm kom saib xyuas txog cov neeg muaj kev ua hauj lwm pab tib neeg puas nyob zoo thiab nyab xeeb, yog tau nyob kom deb thiab siv xov tooj sib txhuas lus nrog rau cov neeg no. Tej yam hauj lwm no yuav tsum ua raws li Txheej Txheem Qhia Neeg Ua Hauj Lwm hais.

dd. **Hotels and Motels.** Cov hotels thiab motels, Tshwj xeeb tej chaw no yuav tsum:

- i. Ua raws li Txheej Txheem Qhia Neeg Ua Hauj Lwm hais;
- ii. Ua raws li tej kev txwv rau tej lag luam uas nyob rau cov txoj cai subsections 2(e), (g), (h), thiab (i) uas yam lag luam ntawd yuav tau taug cov subsections raws li cheeb tsam lub hotel los yog motel nyob;
- iii. Kaw cov pas dej (swimming pools), dab dej kub, thiab cov chaw ua exercise; thiab
- iv. Txwv tsis pub cov qhua sib txoos ua ke tej pab hauv cov chav zaum tos txais neeg los yog tej chav neeg neeg mus dhau dhev, thiab xyuas kom muaj chaw dav kom neeg tau chaw nyob sib nruj li rau (6) feet ntawm lwm tus neeg yog lawv tsis yog ib pab neeg uas yeej nyob ib chav thaum tuaj ua kab tos ntawv rooj them nyiaj nqa yuam sij.

ee. **Chaw Zov Me Nyuam.** Yuav pub Cov Chaw Zov Me Nyuam qhib yog ua raws nraim li cov kev txws hauv qab no:

- i. Cov Chaw Zoo Me Nyuam yuav tsum tsis ntau dua 25% ntawm lub chaw muaj peev xwm ntim tau raws li nws lub nroog pub rau lub sij hawm tam sim no, Tshwj xeeb muaj lwm yam hais tuaj ntawm Wisconsin Department of Health Services los yog Department of Children and Families tuaj, nrog rau DHS qhov kev xaaj Emergency Order Number 6ⁱⁱⁱ;
- ii. Cov laus yuav tsum ua ua raws li qhov Kev Nyob Sib Nruj li ua tau thiab Yuam Tsum Muaj Kev Kev Tiv Thaiv thiab ua raws li lwm cov kev qhia hauv Department of Health Services txog kev nyab xeeb rau pej xeem sawv daws thaum xa los yog tos me nyuam ntawm Cov Chaw Zov Me Nyuam;
- iii. Cov Chaw Zov Me Nyuam ua hauj lwm raws li txoj cai Xaaj no yuav ua raws li Department of Children and Families Guidance Order #2, los yog lwm cov cai ua loj dua qhov kev xaaj^{iv}; thiab
- iv. Cov Chaw Zov Me Nyuam yuav tau ua raws li lub xeev lwm cov cai thiab kev xaaj tuaj hauv thawj tswj hais, raws li tej lus los yog cai uas tau muab kho lawm li Governor Tony Evers' Emergency Order for Department of Children and Families Administrative Rule Suspension and Emergency Orders tau tshaj tawm lub 3 Hlis Ntuj tim 15, 2020, cov lus los yog lwm cov lus xaaj^v uas loj dua.
- v. Xav kom Cov Chaw Zov Me Nyuam xyuas rau kom tej hauj lwm hauv qab no yuav tsum tseem ceeb rau sawv daws siv

1. Pab 1: cov neeg ua hauj lwm, cov neeg uas ntiav sab nraud, thiab lwm cov neeg ua hauj lwm pab hauv kev noj qab haus huv.
2. Pab 2: cov neeg ua hauj lwm, cov neeg uas ntiav sab nraud, thiab lwm cov neeg ua hauj lwm hauv tej chav tseem ceeb xws li, tiam sis kuj tsis tas rau cov tub rog; tu neeg mus ib lub sij hawm ntev; tu neeg hauv tsev; khw muag tshuaj; chaw zov me nyuam; chaw saib xyuas kev noj qab nyob zoo rau rau me nyuam; tsoom fw kev ua hauj lwm; kev nyab xeeb thiab tseem ceeb xws li kev tu kom hu si, tsheb thauj neeg/khoom, utilities, kev txuas lus; khoom no; kev xa khoom tawm; thiab lwm yam kev ua hauj lwm raws li cov thawj tswj kev noj qab haus huv tau txiav txim thiab teev.
3. Pab 3: txhua tus neeg ua lwm cov hauj lwm.

ff. **Tus Vaj Tu Tsev Hauv Ib Tug Neeg Lub Tsev (Residential Cleaning Services).** Cov hauj lwm tu neeg tej vaj tsev qhib ua tau hauj lwm yog hais tias lawv ua raws nraim li Kev Tiv Thaiv thiab Nyob Sib Nrug.

3. **Sib Txoo Ua Ke.** Txhua txoj kev sib sau ntawm cov pej xeeb los yog ntawm tej pab tej pawg yuav tau ua raws li cov txheej txheem npaj siv tiv thaiv tus kab mob COVID-19:
 - a. Ua raws nraim kev Nyob Sib Nrug thiab Kev Tiv Thaiv;
 - b. Ua raws nraim li kev txwv txog Pub Neeg Coob Li Cas Sib Txoos raws li txhais nyob rau Ntu. 1(c);
 - c. Txwv tsis pub lwm tus nrog yus kov tej koom uas raug kov heev, txawm tias tej yam ntawd yog ua raws li tej kab lig kev cai, thiab yuav tau sab laj nrog rau cov tswj kev noj qab haus huv; thiab
 - d. Tej khoom noj khoom haus yuav tsum ntim ua ntej kom zoo mam faib rau txhua tus neeg tuaj koom kom nyias muaj nyias pob xwb thiaj tsis sib kis tau tus kab mob COVID-19 uas yog los ntawm kev sib faib khoom noj nyob ntawm chaw noj mov buffet los yog no koom tsum li tsev neeg.
 - e. Tsis muaj ib qho txws ntawm kev Xaaj no hais tias tsis pub ib tse neeg los yog ib cov neeg uas yeej nyob koom ib tsev sib txoos tai.

4. **Cov Hauj Lwm Uas Muaj Kev Txwv Me Ntsis.** Txhua lub koom haum thiab lag luam thiab hauj lwm yuav muaj cai ua hauj lwm mus raws li teev hauv Ntu no.

- a. **Cov Tsev kawm Ntawv:** Cov tsev kawm ntawv luam thiab ntiav qib K-12 yuav tsum kaw tsis pub muaj me nyuam tuaj lawm kom tas lub xyoo kawm ntawv 2019-2020, uas yog los xaus rau thaum 6/30/2020. Cov tsev kawm ntawv yij meem muab kev qhia yam li nyob deb los youg hauv internet xwb. Cov tsev kawm ntawv thiab tej tsev loj yij meem siv hauv nom tswv tej hauj lwm tseem ceeb thiab faib khoom noj. Kev faib khoom noj yuav tsum ua raws nraim li qhov kev Nyob Sib Nrug thiab Muaj Kev Tiv Thaiv.
- b. **Cov Chaw Uas Muaj Kev Lom Zem Rau Pej Xeeb:** Tsis hais nyob hauv tsev los yog sab nraum zoov, cov chaw rau pej xeeb mus muab kev lom zem xws li: cov stadiums, cov tshav ua si muaj ub no rau saib, caij, thiab dhia ua si, cov chaw muaj chav loj rau neeg tuaj sab laj, cov chaw ua kev lom zem rau neeg mus saib mus dhia mus noj haus, cov chaw mus seev cev ua si, cov chaw mus ua si nkag kis, cov chaw muaj dej ua si, cov

pas dej da uas tau kev tso cai (license) rau pej xeem tuaj ua luam dej, cov ntaub yas tso dej rau neeg dhia ua si, cov dab dej iav rau tsiaj nruab deg, cov chaw kaw tsiaj rau neeg mus saib, cov museum, cov chaw tua game, cov chaw ua si muag khoom thiab nthuav txuj, cov chaw rau me nyuam yaus ua si, funplexes, cov chaw muaj ntau yam rau neeg ua si, cov bowling alley, cov chaw mus saib movie thia lwm yam, cov chaw mus mloog hu nkauj thiab concert, cov chaw ntaus golf dhau li cov hauj lwm teev nyob rau hauv Section 2(m) xws li cov chaw ntaus golf los yog sim ntaus golf, cov chaw neeg xav ib yam tuaj sib txoos, cov chaw ua si ntaus golf me me, thiab cov chaw mus ua exercise qhib tau tiam sis yuav tsum ua raws li Kev Txws Neeg Coob (Gathering Size Limits), Nyob Sib Nrug (Physical Distancing) thiab Muaj Kev Tiv Thaiv (Protective Measure Requirements), thiab yuam tsum ua raws li kev txwv rau cov lag luam nkag rau Subsections 2(e), (g), (h), thiab (i) Seb yam lag luam ntawd poob rau ntu txwv twg los ntawm cheeb tsam nws nyob los yog seb nws cov kev lom zem ntawd yog hom twg.

- c. **Cov Chaw Twv Khoom.** Txhua txoj kev twv khoom uas tib neeg tuaj tim ntsej tim muag qhib tau rau neeg tuaj raws li kev Txwv Neeg Coob (Gathering Size Limits), Nyob Sib Nrug (Physical Distancing) thiab Muaj Kev Tiv thaiv (Protective Measure Requirements). Qhov no ces xws li tej twj ua teb; twv ntsiaj mus sib tw; muab khoom mus cob cia muag; cov khoom qub muaj nuj nqis; art; tsheb thiab maus tau, nkoj thiab lwm yam caij saum dej; tsheb tsav; nyiaj npib; cov tsheb qub muaj nqis thiab tej khoom qub tseem muaj nqis; tsoom fwv the khoom seem thiab mus ywv los; tej twj loj thiab cov machine loj; khoom vaj khoom tsev; cov twj siv tsim ub no; cov khoom tib neeg tsim; khom coj xws li saw nyiaj saw kub, kauj toog, ntiv nphaib; cov tsheb tsav ua si tsis yog tsav saum kev; cov twj siv hauv cov chaw ua mov noj muag; cov twj kho ub no; nrog rau cov truck, trailers, thiab lwm yam tsheb loj thauj khoom. Ntxiv rau:
- i. Kev tw khoom yuav tsum sib tw hauv internet kom ntau li ntau tau;
 - ii. Txhua txoj kev npaj, sib tham, xam khoom, thiab tso rau neeg siab thiaj paub yuav yuav tau muab tso rau saum huab cua li ua tau nrog rau ntu no;
 - iii. Tom qab sib tw tas lawm, cov neeg tw thiab cov chaw ua hauj lwm yuav tau muab cov khoom xa tawm, los yog tuaj thauj; thiab
 - iv. Kev xa tawm, tuaj thauj, los yog muab rau cov chaw xa yuav tsum tsis txhob hais kom tus neeg yuav khoom ntawd kos npe.
- d. **Kev Muag Khoom Vaj Khoom Tsev Ntawm Tog Tsev (Garage Sales, Rummage Sales, and Yard Sales).** Kev muag khoom vaj khoom tsev ntawm tog vaj tog tsev tsuas ua tau yog siv qhov Txwv Neeg Coob (Gathering Size Limits), Nyob Sib Nrug (Physical Distancing) thiab Muaj Kev Tiv Thaiv (Protective Measure Requirements). Ib tug muag khoom rau ib tug, xws li hauv Facebook Marketplace los yog Craigslist, muag tau. Yuav tsum xyuas kom tsis txhob muaj kev them nyiaj ntsuab tab sis xyuas kom them electronic li ua tau. Txhua tus neeg yuav tsum Nyob Sib Nrug thiab Muaj Kev Tiv Thaiv thaum muag khoom li no.
- e. **Cov Neeg Yees Duab.** Cov chaw yees duab qhib ua hauj lwm tau yog siv kev Txwv Neeg Coob, Nyob Sib Nrug thiab Muaj Kev Tiv Thaiv. Cov neeg yees duab mus yees tau duab rau tej kev siv raws li hais hauv Ntu 3 ntawm kev Xaaj nod. cov neeg yees duab yuav tsum ua raws nraim li cov lus hais qhia kom muaj kev nyab xeeb tuaj hauv

Wisconsin Department of Health Services thiab U.S. Centers for Disease Control and Prevention tuaj, ntxiv rau lwm cov kev txwv teev hauv kev Xaaj no.

- f. **Cov Tsev Khaws Ntawv.** Cov tsev kaws ntawv qhib ua hauj lwm tau tsuas kom muaj Kev Txwv Neeg Coob, Nyob Sib Nrug thiab Muaj Kev Tiv Thaiv, thiab raws li nram no:
 - i. Kev ua hauj lwm online thiab programming ua tau; thiab
 - ii. Tuaj nqa ntawv ntawm ntug kev thiab lwm yam khoom nqiv tau yog hais tias Nyob Sib Nrug thiab Muaj Kev Tiv Thaiv li ua tau. Yuav tsum saub ntawv nyob online los yog hu xov tooj tuaj ua ntej hais tias xav tau yam khoom twg ua ntej mam tuaj nqa. Lub tsev khaws ntawv yuav tsum tsis txhob siv kev kos npe ntawm tus neeg qvi ntawv. Lub tsev khaws ntawv yuav tsum teem sij hawm tuaj nqa thiab yuav tsum ua raws nraim li cov cai Nyob Sib Nrug thiab Muaj Kev Tiv Thaiv.
 - iii. Faib khoom noj. Kev faib khoom noj yuav tsum ua raws nraim li qhov Nyob Sib Nrug thiab Muaj Kev Tiv Thaiv.
 - g. **Cov Tsev Kawm Ntawv Qib Siab.** Cov tsev kawm ntawv qib siab, tsis hais cov luam los yog cov ntiav, yuav tsum kaw kom tas lub xyoo kawm ntawv 2019-20 no tsis pub muaj neeg tuaj kawm tim ntsej tim muag. Cov tsev kawm ntawv no yij meem qhia ntawv hauv internet thiab ua kev tshawb fawb tej yam tseem ceeb ua tau raws li lub tsev kawm ntawv pom zoo. Cov chaw nod yuav qhib tau rau nom tswv ua cov hauj lwm tseem ceeb.
 - h. **Kev Noj Tshoob, kev pam tuag, thiab cov pab pawg ntseeg.** Cov tsev teev ntuj thiab cov chaw muaj pej xeem tuaj sib txoos qhib tau tiam sis yuav tau ua raws li kev txwv hauv Kev Sib Txoos (Gatherings) hauv Ntu 3.
 - i. **Cov Tsev Txias.** Cov tsev txias, raws li txhais nyob hauv txoj cai Wis. Stat. § 445.01(6), qhib tau tiam sis yuav tsum ua raws li kev txwv txog Kev Sib Txoos hauv Ntu 3.
 - j. **Lwm Yam.** Txhua lub koom haum thiab lag luam thiab lwm yam hauj lwm nyob hauv Milwaukee uas tsis tau tuav txog nyob hauv nod yij meem qhib ua hauj lwm tau. Tej chaw no yuav tsum ua raws nraim li Kev Txwv Neeg Coob, Nyob Sib Nrug thiab Muaj Kev Tiv Thaiv.
5. **Cov Hauj Lwm Ua Kom Tsawg Li Tsawg Tau.** Txhua lub koom haum thiab lag luam yuav ua tau cov hauj lwm li nram qab no yog hais tias ua raws li tus txheej txheej qhia neeg kom paub ua hauj lwm:
- a. **Cov hauj lwm ua kom tsawg li tsawg tau.** Tej yam hauj lwm ua kom tsawg li tsawg tau kom tuav tau tej khoom, ceev tau tej vaj tsev thiab tej khoom siv, xyuas kom muaj kev ruaj ntseg, them nyiaj rau cov neeg ua hauj lwm thiab them tej nqi ntawv kho mob, los yog lwm yam hauj lwm, xws lis tej hauj lwm no xa mus rau lwm cov neeg sab nrauv ua lawm.
 - b. **Pab xyuas txog hauj lwm rau neeg ua nyob lwm qhov.** Tej hauj lwm yooj yim uas yuav qhia tau rau neeg ua yam li ua tom lawv tsev.

- c. **Xa khoom thiab xa ntawv.** Cov hauj lawm yooj yim xws li xa khoom, los yog txais khoom. Kev xa khoom los yog xa ntawv yuav tsis haiv kom tus neeg txais kos nws lub npe.
 - d. **Neeg Ua Hauj Lwm.** Thaum cov neeg ua hauj lwm coob tshaj qhov cov Hauj Lwm Yooj Yim (Minimum Basic Operations) ntawm Kev Txwv Neeg Coob lawm, lub koom haum thiab lub lag luam ntawd kuj ua tau hauj lwm mus yog hais tias lawv yuav tsum xyuas kom cov Hauj Lwm Yooj Yim yuav tsum ua raws li tus txheej txheem qhia kom neeg paub ua hauj lwm.
6. **Cov Chaw Tu Neeg Mus Ntev thiab Cov Chaw Neeg Tuaj Sib Txoos.** Tsis pub neeg sab nraud tuaj rau hauv cov tsev tu neeg los cov tsev neeg tuaj sib txoos.
 7. **Cov Chaw Neeg Tuaj Siv.** Tshwj xeeb hais tias hais rau hauv nov lawm, txhua tus neeg nyob hauv lub Nroog Milwaukee mus rau ntawm tej chaw neeg nquag siv, tsis hais nraud zoov los yog tej chaw uas tsis yog nws lub tsev nyob, yuav tsum ua raws li hais ntawm kev Nyob Sib Nrug thiab Subsections (i), (ii), (iv), (v), thiab (vi) ntawm txoj caim Muaj Kev Tiv Thaiv. Qhov yuav tsum ua nod yuav tsis raug rau cov neeg tsis muaj vaj tsev nyob.
 8. **Cov Txheej Txheem Qhia ntawm DHS thiab CDC.** Txhua tus neeg, lub koom haum, tsoom fww cov neeg ua hauj lwm, thiab lwm pab pawg, yuav tsum ua li ua tau kom raws nraim li cov txheej txheem qhia uas nruj tshaj txoj kev Xaaj no thaum ua tej hauj lwm kev Xaaj no tso cai rau ua.
 9. **Tswj (Enforcement).** Yog hais tias leeg twg yuam txoj cai no, Milwaukee Police Department thiab Milwaukee Health Department Violation yuav siv qhov kev Xaaj no los rau txim rau nws raws li nyob haus Lub Nroog Milwaukee Code of Ordinances 62-10.
 10. **Ntev Npaum Li Cas (Duration).** Kev Xaaj no yuav pib thaum 1 Teev Tav Su hnuv Thursday, 5 Hlis Ntuj tim 21, 2020. Kev Xaaj no yuav siv mus kom txog rau thaum muaj lus Xaaj tshiab los yog thaum muab qhov kev Xaaj no qho tawm.
 11. **Severability.** (ib nqe tsis yog lawm los lwm nqe nyob hauv qhov kev Xaaj no tseem siv tau). Yog hais tias ib nqe lus ntawm qhov kev Xaaj no los yog qhov kev siv rau ib tug twg los yog ib yam twg tsis muaj tseeb, tab sis lwm yam nyob rau hauv qhov kev Xaaj no yuav tsis muaj teeb meem thiab yuav siv tau mus ntxiv. Thaum los txog txheej no lawm, cov nqe lus hauv qhov kev Xaaj no muaj zog heev (tseem ceeb heev).
 12. **Lwm Cov Kev Xaaj Ua Ntej Tas Los.** Kev Xaaj no yuav loj dua lwm cov kev xaaj hauv lub nroog no uas Milwaukee Health Department tau tshaj tawm hais txog cov lus qhia tawm no.
 13. **Americans with Disabilities Act Notice.** Thov Ceeb Toom: Thaum tau txais kev ceeb toom yam li tsim nyog lawm, yuav tau npaj kom muaj kev pab rau cov neeg muaj kev xiam hoob qhab uas yuav xav tau kev pab saib los yog txhais cov lus hauv kev Xaaj no. Yog xav paub ntxiv, los yog xav kom muaj kev pab, nug tuaj mus rau tus City of Milwaukee ADA Coordinator, 200 East Wells Street Room 603, Milwaukee, WI 53202, 414-286-3475 or adacoordinator@milwaukee.gov

MILWAUKEE HEALTH DEPARTMENT



Dr. Jeanette Kowalik
Commissioner of Health

Date Signed: 5/21/2020

Zeidler Municipal Building

841 N. Broadway, 3rd Floor

Milwaukee, WI 53202

Ph: (414) 286-3521

Fax: (414) 286-5990

Email: cehadmin@milwaukee.gov

ⁱ As of the date of this order the most recent guidance is available at: https://www.doj.state.wi.us/sites/default/files/news-media/3.20.20_OOG_Final.pdf

ⁱⁱ As of the date of this order the “Cleaning and Disinfecting Your Facility” guidelines are available at:

<https://www.cdc.gov/coronavirus/2019-ncov/community/disinfecting-building-facility.html>

ⁱⁱⁱ As of the date of this order, DHS Emergency Order allows Child Care Settings to operate with at least 10 staff and 50 children.

https://evers.wi.gov/Documents/COVID19/DHS%20Order6_3.18.2020.pdf

^{iv} As of the date of this order the most recent guidance is available at: <https://dcf.wisconsin.gov/files/press/2020/dcf-order-2-covid-19.pdf>

^v As of the date of this order the most recent guidance is available at: <https://dcf.wisconsin.gov/files/press/2020/dcf-rule-waiver-03-15-2020.pdf>

^v As of the date of this order the most recent guidance is available at: <https://www.cdc.gov/coronavirus/2019-ncov/community/large-events/mass-gatherings-ready-for-covid-19.html>